

a nui, et questo di la prima letera remechemo in lui o in loro a dir quanto et quando li par. Andò le letere: 1 di non sinceri, 1 di no, il resto di le letere et fu prese.

Et avanti fusse mandà et proposto di scriver a Constantinopoli, vene *con letere di Corfù, Zante, Napoli di Romania et dil proveditor Canal* molto copiose, et dil prender di do nostre galie da fuste turchesche, qual fo lete, et la copia et sumario scriverò più avanti; et fo tolto licentia dal Pregadi di scriver per Collegio a Constantinopoli et dolersi di la presa di queste do nostre galie.

Electo proveditor zeneral in Dalmatia.

Sier Andrea Tiepolo fo proveditor a Peschiera, qu. sier Donado . . .	133. 88
Sier Zorzi Valaresso fo proveditor a Bergamo, qu. sier Marco . . .	91.132
Sier Francesco Corner fo podestà in Antivari, qu. sier Zorzi . . .	119.100
Sier Francesco Contarini qu. sier Carlo qu. sier Giacomo <i>da sant' Agustin</i>	67.149
Sier Zuan Corner qu. sier Alvise <i>da santa Fosca</i>	115.105
Sier Giacomo d' Armer fo soracomito, qu. sier Alvise	140. 84
Sier Anzolo Michiel el XL Criminal, qu. sier Nicolò el dotor	131. 83
Sier Zuan Antonio da chà Taiapiera fo capitano a Vicenza, qu. sier Bernardin.	98.124
Sier Nicolò da Canal el XL Criminal, qu. sier Filippo	142. 78
Sier Antonio Valier fo cao di XL, di sier Beneto	107.114
Sier Giacomo Antonio Moro fo procurator di stratioti in Puia, di sier Lorenzo, qu. sier Cristofolo	120. 98
Sier Michiel Foscarini fo capitano di le saline in Cipri, qu. sier Andrea . .	30.190
Sier Alvise Donado fo consolo di mercadanti, qu. sier Hironimo dotor . .	91.124
† Sier Nicolò Trivixan fo proveditor zeneral in Dalmatia, qu. sier Piero, qu. sier Baldissera.	154. 64
Sier Batista Barbaro fo cao di XL, qu. sier Alvixe, qu. sier Zacaria cavalier, procurator	90.129
Sier Agustin da Canal el XL Zivil, qu. sier Polo.	142. 72

Sier Lorenzo Sanudo fo sopracomito, qu. sier Anzolo, qu. sier Francesco.	133. 82
Sier Hironimo Bragadin el XL Criminal, qu. sier Zuan Francesco . . .	136. 82
Sier Zacaria Barbaro fo soracomito, qu. sier Daniel	109.111
Sier Marin Michiel fo castelan a Mestre, qu. sier Alvise	100.118
Sier Zuan Marco da Molin fo podestà et capitano a Coneian, qu. sier Luca	83.138
Sier Piero Marzelo fo cao di XL, qu. sier Marin <i>da Santa Marina</i> . .	145. 74
Sier Hironimo Contarini fo zudexe di Proprio, qu. sier Piero	150. 65
Sier Vettor Salamon el XL Criminal, qu. sier Hironimo	152. 71
Sier Zuan Batista Donado, qu. sier Vettor, qu. sier Francesco	99.114
Sier Alvise Grimani fo consolo di mercadanti, qu. sier Nicolò	100.104

El licentiatò il Pregadi a hore 20 et meza, restò Conseio di X semplice con il Collegio, et fono sopra una cosa.

Da Corfù, dil rezimento et proveditor zeneral Moro, di 21, ricevute a di 3, la matina. 37

Di l'armata turchesca de qui variamente si parla, chi dice è di vele 40 zà ussita di Castelli per l'impresa di Coron, altri dicono ancor non è ussita; ben è vero in la Morea lo exercito turchesco si va ingrossando per zornada per andar a la dita impresa di Coron.

Dil dito, di 24, ricevute a di 3, in Pregadi. Per una nave otrantina venuta da Coron, stata con formenti etc., riporta di l'ussir di l'armata turchesca, et che se riportano a le letere dil proveditor di l'armada, et manda riporti dil patron di ditte nave otrantina et di altri, quali sono de qui avanti.

A di 23 April.

Riporto di missier Alfonzo Albera di Otranto patron di la nave otrantina, partito da Coron a li 11 dil presente.

Che sopra la dita nave sono do inzegneri dil campo, uno missier Francesco Aponte spagnuolo maistro dil campo di Sua Maestà, l'altro missier Beneto da Ravenna capitano di la artellaria cesarea, li qual furono li superiorì zorni da sua al-